

Կարինե ԱԼԵՔՍԱՆՅԱՆ

ԹՈՒՐՉԻԱՅԻ ՀԱԿԱՀԱՅ ՔԱՂԱՔԱԿԱՆՈՒԹՅԱՆ ԴՐՍԵՎՈՐՈՒՄՆԵՐԸ ԱԼԵՔՍԱՆԴՐԱՊՈԼԻ ԳԱՎԱՌՈՒՄ (1921թ. ապրիլ-հոկտեմբերին)

1921 թվականի ապրիլի 22-ին թուրքերը, իրականացնելով Խորհրդային Ռուսաստանի վերջնազրի պայմանները, ստիպված եղան հեռանալ Ալեքսանդրապոլի գավառից:¹ Ի դեպ, հեռանալիս Ալեքսանդրապոլի ու շրջակայքի ժողովուրդներին ուղղված իր հայտարարության մեջ ժողովական Ազգային Սեծ ժողովի կառավարության արևելյան ճակատի Գյումրիի տեղական իրամանատար Օսման Նուրին երջանկություն մարքեց «քարենամ» հայ ժողովով խորհուրդ տալով հեռու մնալ հայ ազգի երջանկությունը խախտող որևէ ընթացքից: Հիշեցվում էր նաև խորհրդա-թուրքական բարեկամության մասին և, վերջապես, խորհուրդ էր տրվում չխախտել այդ միությունը: «Ժրքական Սեծ Ազգային ժողովորդական կառավարությունը, - ասված էր այդ գրության մեջ, - իր բարեկամ հանրապետական սոցիալիստական Ռուսաստանի կառավարության հետ Մոսկվայի 1921թ. մարտի 16-ի կայացած պայմանագրի համաձայն Արփաշայի արևելյան կողմը՝ Ալեքսանդրապոլը և իր շրջակայքը, ույն ապրիլի 22-ից ամբողջովին դատարկեց: Ամենքին հայտնի է, որ ժողովին ցնծությամբ դիմավորեց ռուսական հեղափոխությունը, որի շնորիկ արևելքի իրավ մեծ ազգերը լուծեցին իրենց հարցերը: Ասկից հետո ամեն մարդ պիտի գիտենա, որ հեղափոխական ժողովիայի և Խորհրդային Ռուսաստանի միությունն է, որ պիտի երաշխավորն արևելքի ժողովուրդների կյանքն ու ազատությունը: Սույն երկարամյա պատերազմի ընթացքում ուրիշ ազգերի նման հայ ժողովորդի բարեկեցությունը ևս տակնուվրա եղավ: Ռուսի մենք լինելով դրացի, որպես նարդկային պարու համարեցինք հայտարարել Զեզ, որ Զեր ազգի երջանկությունը խանգարող որևէ ընթացքից հեռու մնաք, և ժողովիայի ու Խորհրդային Ռուսաստանի միությամբ ստեղծված խաղաղությունը չխանգարեք, վերջ տվեք Զեր խաղերին ու տառապանքներին: Եվ ամեն որ ապահով կերպով կամսի իր աշխատանքը, և որպիսու մենք դրացի և բարեկամներ ենք, կմարդենք ազատություն և ապահովություն, ցանկանալով Զեր ժողովորդին երջանկություն»:²

Սա չխանգարեց, իհարկե, թուրքերին տևական մի ժամանակաշրջան շարունակել իրենց հակահայ քաղաքականությունը: Հեռանալիս նրանք չնոռացան պայթեցնել Ալեքսանդրապոլի վասողի պահեստերը՝ հսկայական նյութական վնասներ հասցնելով Խորհրդային Հայաստանի: 1921թ. մայիսի 13-ին Մոսկվայում ժողովիայի դեսպան Ալի Ֆուադին ուղարձ նոտայում, բողոքելով թուրքական իրամանատարության վերոիիշյալ գործողությունների դեմ, Խորհրդային Ռուսաստանի արտգործժողովում Զիշերին գրում է: «Ռուսաստանյան կառավարությունը Կովկասի իր ռազմական իշխանություններից տեղնկացել է, որ թուրքական գործերը էկալիուացնելով Ալեքսանդրապոլ, նյութական մեծ վնաս են հասցրել Ռուսական հանրապետության և անդրկողկայական հանրապետությունների միացյալ բանակներին, այդ թվում նրանք պայթեցրել են այդ բանակներին պատկանող վասողի պահեստները, որ չափազանց մեծ կորուստ է հանդիսանում, որի գումարը, դեռևս չի հաշված»:³ Այս գործողությունները Զիշերինին առավել զարմանք պատճառնեցին, քանի որ դրանք կատարվում էին նույն այն պահին, երբ Ռուսաստանի կառավարությունը ժողովրիային ցոյց էր տալիս այն օգնությունը, որպիսին նա ի վիճակի էր ցոյց տալ: ⁴ Քենալականները հնարավոր գտան պատճառ վնասի համար ամբողջ պատասխանատվությունը, որը կազմում էր ավելի քան 19

¹ ՀԱԱ, ֆ. 114, գ. 2, գ. 10, թ. 17:

² Նոյն տեղում, գ. 21, թ. 50:

³ Է. Զ ո հ ր ա բ յ ա ն, Սովետական Ռուսաստանը և հայ-թուրքական հարաբերությունները, Եր., 1979, էջ 241: Հայաստանը միջազգային դիվանագիտության և սովորական արտաքին քաղաքականության վաստակություն, էջ 516-517: Հեղափոխական կոմիտեները Հայաստանում, Եր., 1974, էջ 126-127:

⁴ Նոյն տեղում:

միլիոն ռուբլի ոսկով, բարդել իրը թե Կարսի և Ալեքսանդրապոլում գործող ինչ-որ հայկական հակահեղափոխականների վրա. «Ես համզված եմ, - Չիշերինին ուղղած մայսի 22-ի նամակում գրում է Մոսկվայում քենալսկան դեսպան Ալի Ֆուադ Փաշան, - որ խորհրդային կառավարությունը կհավատա, որ Կարսուս և Ալեքսանդրապոլում հայ հակահեղափոխականների կատարած ավերածությունների վերաբերյալ պաշտոնական փաստաթղթերով իհմնակորված իմ 1921թ. մայիսի 18-ի հ.425 նամակի բովանդակությունը բացարձակապես համապատասխանում է իրականությանը».⁵

Թուրքերը, շարունակելով իրենց հակահայ քաղաքականությունը, միաժամանակ նեղարում էին հայերին իր իրենց նկատմամբ քշնանական գործողություններ իրականացնելու համար: Այսպես, բուրքական դիվանագիտական ներկայացուցիչները Հայստանում աճօրինական կերպով գենք էին կրում, զբաղվում գենքի առևտություն: Միաժամանակ բուրքական դիվանագիտական շրջանակները բողոքում էին Հայստանի իշխանության համապատասխան նարմինների կողմից գենքի առզնավճան գործողությունների դեմ: ՀԽՍՀ Արտգործողությունը Երևանում Թուրքիայի Արևելյան ճակատի երանանատարությանը ուղարկված՝ Թուրքիայի դիվանագիտական ներկայացուցիչների աճօրինական գենք կրելու մասին 1921թ. սեպտեմբերի 27-ի գրության մեջ առաջարկում է քյուրիմացություններից գերծ մնալու համար գենք կրելու վերաբերյալ բույլտվության վկայականներ ունենալ: «Ձեզ վստահված ներկայացուցչութեան աշխատակիցների մեծամասնութիւնը, - ասված է այդ գրության մեջ, - կրում է գենք, չունենալով համապատասխան թույլատական վկայական, ինչու եւ շատ հաճախ լինում են գենքի բռնագրաւում դէպքեր Հայստանի Արտակարգ Յանձնաժողովի կողմից: Միենայն ժամանակ զանազան անձինք, օգուտելով այս հանգստանքից ազատորեն կատարում են գենքի վաճառում, անամելով իրենց Տաճկաստանի ներկայացուցչութեան աշխատակից կամ քենալսկան: Վերոյիշեալ հանգամանքներմ ի նկատի ունենալով եւ քյուրիմացութիւններից հետո մնալու համար, մենք գտնում ենք անհրաժեշտ տալ այս մասին համապատասխան թոյլտական վկայականներ Ձեր այն աշխատակիցներին, որոնց վերապահում է իրաւոնք ունենալ եւ կրել գենք եւ այդ վկայական ստացող աշխատակիցների անանացուցակ ուղարկել մեզ».⁶

Թուրքերը չին խորշում նաև լրտեսական գործողություններ կատարելուց: Ալեքսանդրապոլում բուրքական երանանատարության ներկայացուցիչ Թեֆֆիկ փաշան իր ծառայողներով զրադեցնում էր Ալեքսանդրապոլի երկարուղային կայարանի շենքը, թեավետ նրանց քաղաքում հասկացված էր հարմար բնակատեղի: Եվ չնայած երկարուղայինների բազմաթիվ բողոքներին՝ Թեֆֆիկը հրաժարվում է ազատել շենքը, որը ծայրաստիճան անհրաժեշտ էր երկարուղային ծառայությունների համար, քանի որ բուրքերը իրենց այստեղ գտնվելու ժամանակ անպեսք էին դարձել շենքների մեծ մասը: Թեֆֆիկն իր այստեղ մնալու պատճառաբանում էր նրանով, որ ինքը խնդիր ունի դյուրացնել Կարմիր 11-րդ բանակի և Արևելյան ճակատի հրանանատարության հայութերությունները, ինչպես նաև աջակցել Ռուսաստանից Թուրքիա և Թուրքիայից Ռուսաստան գնացող պատճառամակրների, գերիների և զարթականների երթևեկությունը:⁷ Սակայն ինչպես եզրակացնում է իր դիմումի մեջ Հայստանի արտաքին գործերի ժողովը, «Թեֆֆիկը չի ուզում քողնել այս շենքը լրտեսության նպատակով, քանի որ այնտեղից տեսանելի էր զորքի շարժը, նրեքների տեղափոխումը և այն»:⁸ Հայստանի արտաքին գործերի ժողովնը ստիպված է լինում 1921թ. հունիսի 6-ին դիմել Հայստանում Կարմիր բանակի զորքերի պետ Վելիկանովին, խնդրելով արտակարգ միջոցներ ձեռնարկել:⁹ Եվ միայն դրանցից հետո է Թեֆֆիկն ազատում շենքը:¹⁰

Կատարյալ կամայականություն էր տիրում սահմանների վրա: Հաճախ ասկ-յարները հարձակվում էին սահմանամերձ զուտերի պահակակետների վրա, ծեծում,

⁵ ՀԱԱ, ֆ. 113, գ. 3, գ. 11, թ. 212:

⁶ ՀԱԱ, ֆ. 114, գ. 2, գ. 109, թ. 130:

⁷ ՀԱԱ, ֆ. 144, գ. 3^ր, գ. 137, թ. 5:

⁸ ՀԱԱ, ֆ. 1022, գ. 8, գ. 310, թ. 1:

⁹ Նոյնական:

¹⁰ ՀԱԱ, ֆ. 114, գ. 3^ր, գ. 137, թ. 15:

առևանգում դաշտում աշխատող մարդկանց, քալանում անասունները:¹¹ Ալեքսանդրապում Թուրքիայի ներկայացուցիչ՝ Ալեքսանդրապոլի գավառի գյուղացիների անասունները քալանելու վերաբերյալ, Ալեքսանդրապոլի հեղկոմի նախագահի 1921 թվականի հոկտեմբերի գրության մեջ ասվում էր, որ հոկտեմբերի 2-ին և 11-ին Չիռպալի և Դեղաշ գյուղերից սահմանապահ բուրք ասկյարները գողացել են հինգ ցող և երկու կով, որոնք պատկանում են Դահարի գյուղի բնակչներ Վարդանյանին և Երանոսյանին.¹² Տեղեկացնելով այս մասին՝ Հեղկոմի նախագահը խնդրում է նախ վերադարձնել գողացածը, այնուհետև միջոցներ ձեռք առնել նման դեպքերը չկրկնելու համար: ¹³ Սակայն ոչ մի արդյունք: Թուրքերը երկար ժամանակ չեն դադարեցնում հարձակումները հայկական գյուղերի վրա: Ստավված է լինում միջամտել Հայաստանի Արտօգործժողովը: «Ստացված տեղեկությունների համաձայն, - ասվում էր 1921թ. հունիսի 14-ին Երևանում Թուրքիայի գլխավոր իրամանատարության ներկայացուցիչն հանձնված գրության մեջ, - թուրքական զինվորական մասերը հարձակումներ են իրականացնում Արփաշայի ձախ ափին գտնվող Հաջի Բայրամ, Շավիրուտ, Խերքելի գյուղերի վրա, որոնք գտնվում են ՀՍԽՀ-ի տարածքում, թալանում և ամայացնում են գյուղերը, քանդում են Արփաշայի վրա գտնվող կամուրջը, միջցիայից վերցնում գենքը և այն: Արտաքին գործերի ժողկոնը խնդրում է միջոցներ ձեռնարկել նմանօրինակ արարքներ բոյլ չտալու համար»:¹⁴

Թուրքերն իրենց մոտ գերության մեջ էին պահում բազմաթիվ հայերի և չեն շտապում նրանց ետ ուղարկել: Ընդ որում վերջիններս ապրում էին սոսկալի պայմաններում: ՀԽՍՀ ճանապարհների պես Փիրունովին՝ Հայաստանի Հեղկոմին ուղղված դիմումից, որտեղ նկարագրված են Մամախսարունի և Սարիղամիշի միջև ընկած շրջաններում գերության մեջ գտնվող երկարուղայինների վիճակը, կարենի և պատկերացում կազմել հայ գերիների վիճակի մասին ընդհանրապես: «Ականատեսների պատմածով, - ասված է դիմումում, - գերիներն ապրում են սոսկալի պայմաններում, շատ հաճախ 150 հոգի մեկ բարաքում, 30 քառ. սմ վրա: Հիվանդներին չեն բուժում, վատ են կերակրում, թերև հագնված ուղարկում ստիպողական աշխատանքների սառնամանիք օրերին: Այդ ժամանակ Էրզրումում կար 87 նարդ, Ազիզում՝ 17, Սվիշիում՝ 14, Ուզունայսմետում՝ 20, Հասան Կալեում՝ 45, Կետրկում՝ 14, Օրիկում՝ 22, Խորասանում՝ մինչև 80 նարդ, Խոյիր Ելազում՝ 17, Զիվանում՝ 20, Արուլարտում՝ 12, Սաղանլուիում՝ 12, Խամետիրում՝ 10, Սուրբիաչում՝ մինչև 200: Կեկավար կազմից հիմա նրանց մոտ Մելիմ կայարանում աշխատում են Կարսի մարզի Պուտիշ գյուղի նախկին նախագահը, ինժեններ Շերմազանովը, Պիրադովը և Սնացականյանը: Սարիղամիշում՝ տեխնիկ Դորգանովը, Կարսում՝ ինժեններ Քոչարյանը և որիշներ»:¹⁵ Դիմումի վերջում խնդրվում է միջոցներ ձեռնարկել նրանց ետ վերաբարձնելու ուղրությամբ:¹⁶ Թվում էր, թե Մոսկվայի 1921թ. մարտի 16-ի պայմանագրի կնքումից հետո այս հարցը պետք է լուծվեր: Մինչդեռ դրանից հետո էլ երկար ժամանակ հայ գերիներից շատերը տաճջվում էին գերության մեջ: Ա. Իսահակյանը 1921թ. սեպտեմբերի 5-ին Վենետիկից գրում է. «Անհուն ցավով լսում եմ, որ մինչև իհմա Կարաբերի փաշայի մոտ գերի են և վայրագ բուրքերի ձեռքում հալվում են ու մտնում հայ գերիները թե զինվորները, թե գյուղերից հավաքված հեղող հայ պաշտելի գյուղացիները, որոնց մասնավորապես պաշտպան պիտի կանգնի բոշկիզմը, եթե անկեղծ բարեկամ է աշխատավորներին, և չի մղում կեղծ ու պատիր դիալոգատիա»:¹⁷

Ալեքսանդրապոլի գավառի կերակրողից գրկված բազմաթիվ ընտանիքներ, դատապարտված լինելով սովամահության, դիմում են Ալեքսանդրապոլի հեղկոմին՝ միջանտեղում իրենց հարազատներին վերադարձնելու խնդրանքով: Սասմավորապես, Ալեքսանդրապոլի բնակիչ Գայանե Բարաջանյանը գերության մեջ գտնվող իր ամուսնուն ազատելու վերաբերյալ 1921թ. հունիսի 2-ի Ծրջանային հեղկոմին ուղղված՝

¹¹ ՀԱԱ, ֆ. 1022, գ. 3, գ. 351, թ. 1:

¹² ՀԱԱ, ֆ. 144, գ. 3, գ. 42, թ. 225:

¹³ Նոյնու:

¹⁴ Նոյնու տեղում, գ. 1, գ. 21, թ. 82, ֆ. 1022, գ. 3, գ. 365, թ. 1:

¹⁵ ՀԱԱ, ֆ. 1022, գ. 3, գ. 351, թ. 1:

¹⁶ Նոյնու:

¹⁷ ՀԱԱ, ֆ. 4004, գ. 1, գ. 46, թ. 1-2:

գրության մեջ գրում է. «Իմ ամուսին Սեխակ Մնացականեան Բարաջանեանցը 25-ին նոյեմբեր ամսոյ 1920թ. այստեղ Ալեքսանդրապօլմ տաճկեմերը բռնեցին եւ ուղարկեցին զերի դեպի իրենց սահմանը եւ մինչև այժմ գտնուում է այդ գերութեան մէջ: Բայց որտեղ խկապէս ինձ յայտնի չէ: Յայտնելով այդ մասին խոնարհարար խնդրում եմ Ձեզ ընկ. Նախազան անել պատշաճաւոր կարգադրութիւն որպէսզի յիշեալ ամուսինս, Սեխակը շուտով վերադարձի հայրենիք, որով փրկած կիսեր նրան գերութեան տանջանքներից, իսկ ինձ եւ երեխայ աղջկաս սովոր ճիրաններից, որովհետև մենք գորկ ենք աշխատաւոր ձեռքից և գտնուում ենք դառն աղքատութեան մէջ»:¹⁸ Նմանօրինակ դիմունով Հեղկումին դիմում է նաև 1921թ. հուլիսի 13-ին Ալեքսանդրապոլի ժողովրդական տանը տեղի ունեցած հայ գերիների ընտանիքների ընդհանուր ժողովի արձանագրությունում կարդում ենք. «Ժողովը քննութեան առնելով Գյումրիի ծանր դրութիւնը, որոշում է դիմու Ալեքսանդրապոլի յեղկումին, խնդրելով միջնորդել ուր որ հարկն է, քոյլ տալու Տաճկաստան ուղարկել մի յաճճնաժողով, որոնք տեղում կծանոթանան գերիների դրութեան հետ և հնարավոր միջոցներ ձեռք կառնեն նրանց դրութեունը բերեացնելու: Երկրորդ խնդրը Ալեղկումին այն է, որ Գյումրիի ընտանիքների անունից հեռագրել Մոսկվա ընկեր Լենինին և Չիչերինին, «որպէս ճնշուածների մեծ քարեկամը (Լենինը)» միջոցներ ձեռք առնի ազատելու ամենանշանակալի հայ գերիներին, քանի որ արդէն հաշտութիւն է կայացել Ռուսաստանի, Հայաստանի և Տաճկաստանի միջն, որի յամածայն գերիներին պէտք է ազատել»:¹⁹

Իր հերթին ՀԽՍՀ-ի կառավարությունը բազմից դիմում է Անգորայի կառավարությանը, սակայն էական հաջողության չի հասնում: Մասնավորապես, Թուրքիայում Հայաստանի ներկայացուցիչ Սարգսյանը 1921թ. սեպտեմբերի 5-ին դիմում է Արևելյան ուղղամաճակատի հրամանատար Ջյազիմ Կարարեքիրին՝ խնդրելով քոյլ տալ տեսակցել Էրզրումում գտնվող հայ գերիներին.²⁰ Կարարեքիրը, զլամալով շեշտել իրենց բարեկամության անկենծությունը, պատասխանում է, որ, իհարկե, նա կարող է տեսակցել գերիներին, բայց որոշ ժամանակից հետո, եթե հնարավոր կինի անվտանգ և հանգիստ երթևեկությունը, ավելացնելով, որ անհանգուտանալու ոչ մի կարիք չկա, որովհետև նրանք շատ գոհ են իրենց կյանքից:²¹

Թուրքերն, ի դեպ, գերության մեջ էին պահում ոչ միայն Հայաստանից տարված գերիներին, այլև Թուրքիայի տարածքում ապրող հայերին խարեւությամբ, իբր քետեղափոխում են Հայաստան, տեղահան էին անում և քշու գերության: ՀԿԿ Կենտրոնական կոմիտեին ուղղված գրության մեջ, կոմունիստ Արշակ Թովմասյանը նկարագրելով գերության մեջ գտնվող կոմունիստների ծանր վիճակը, ավելացնում է. «Քաջի այդ կոմունիստների բանտարկությունից, Կաղզվանի և մոտակա Չանկի գյուղում մնացած հայ ազգաբնակչությունը, մոտավորապես 800 հոգի՝ բոլորը կանայք և երեխաներ, ծերացած նարդիկ, տեղահան են արել՝ խարելով, թե ուղարկում են Ալեքսանդրապոլ և բոլորին քշել են Էրզրում և գուցե ավելի խորքերը: Եղած գերիները պահում են սոսկալի պայմաններում, ամենքը գտնվում են ոչնչացման ճանապարհին»:²² Թվում եր, քետեղափոխ իրենց հականայ քաղաքականությանը վերջ կտան Կարսի պայմանագրի ստորագրությունը հետո, որի 15-րդ հոդվածով հայ գերիներն ազատվելու էին և վերադառնալու հայրենիք: Ընդ որում, Կարսի պայմանագրի 15-րդ հոդվածով ներման էին ենթարկվում միայն Հայաստանի գերիները, համաներումը չէր տարածվում Թուրքիայի հայ բնակչության վրա: Եթե Կարսում Հայաստանի դիմանագիտական ներկայացուցիչ Սարգսյանը, համաներումը նաև Թուրքիայի հայ քաղաքացիների վրա տառածելու խնդրանքով դիմում է Ջյազիմ Կարարեքիրին,²³ Վերջինս պատասխանում է, որ դա իր իրավասությունից դրւու է, քանի որ արդէն պայմանագրով կնքված է և խորհուրդ է տալիս հաշտության ստեղծված իրողության հետ:

¹⁸ ՀԱԱ, ֆ. 114, գ. 3^թ, գ. 138, թ. 57:

¹⁹ ՀԱԱ, ֆ. 144, գ. 3, գ. 274, թ. 12:

²⁰ ՀԱԱ, ֆ. 114, գ. 2, գ. 109, թ. 51:

²¹ Նոյն տեղում, թ. 53:

²² Նոյն տեղում, թ. 1, գ. 131, թ. 10:

²³ Նոյն տեղում, թ. 2, գ. 10, թ. 138:

²⁴ ՀԱԱ, ֆ. 114, գ. 2, գ. 10, թ. 139:

Նշենք,որ Հայաստանի քաղաքացիները ևս հեշտությամբ չեն վերադարձվում: Կարսի պայմանագրի կնքումից հետո էլ Հայաստանի իշխանություններից շատ ջանքեր պահանջվեցին հայ գերիներին ազատելու համար: Ինչպես երևում է 1922թ. մայիսի 5-ի ՀՍԽՀ Կարսի դիվանագիտական ներկայացուցչի՝ Ալեքսանդրապոլի Գործկումին ուղղված գրությունից, թուրքերը դեռ գերիների մասին վերջնական պատասխան չեն տվել. «Համաձայն դիվանագիտական ներկայացուցչի ընկ. Սարգսեանի կարգադրության, ի պատասխան Զեր 1774 մարտի 10-ի գրութեան հայտնում ենք,- ասկած էր վերոհիշյալ գրության մեջ,-որ ընկ. Գրիգոր Շուշանեանի կնոջ, Վարդուիի Շուշանեանի մասին դիմում է արված Քեազիմ Կարարեքիր փաշին անցեալ թվի հոկտեմբերի 27-ին, այս թվի մարտի 5-ին, եվ երրորդ անգամ, անձանք Սարիդամիշում դիմում է արել ինքը ընկ. Սարգսեանը, բայց մինչև այժմ ոչ մի պատասխան չի ստացված:

Ընկեր Սարգսեանի ապրիլի 4-ին ունեցած բանակցութեան ժամանակ Քեազիմ Կարարեքիրը խոստացել է մի ամսի լեռքացրում վերջնական պատասխան տալ Թուրքիայում մնացած բոլոր հայ գերիների մասին, որոնց ցուցակում հիշատակված է նաև Վարդուի Շուշանեանը: Պատասխան ստանալով անմիջապես կիաղորդվի Զեզ»:²⁵

Թուրքերը, խոսեալ բարեկամությունից, գործնական ոչ մի քայլ չեն անում, այլ ամեն կերպ խոչընդոտում էին գերիների վերադարձը: Բազմաթիվ գերիներ այդպես ել չվերադարձան հայրենի օջախ՝ էլ ավելի խորացնելով հայ ժողովրդի ողբերգությունը:

Հազարավոր հայեր դեռ երկար ժամանակ շարունակում էին մնալ սովոր ճիրաներում: 1921թ. ապրիլի 1-ին Ալեքսանդրապոլում թուրքական բանակի հրամանատար Օսման Նորիք բեյի և շրջանային հրամանատար Թալեաթ բեյի կարգադրությամբ քաղաքի միլիցապետը բնակիչներից վերցնում է 62 սայլ իրենց սայլապաններով, բուրքական գնդերը մթերքները տեղափոխելու համար՝ 4 օրվա լեռքացրում վերադարձնելու պայմանով: Սայլապանների մի մասը, չփնտանալով թուրքերի տաճաշանքներին, բողնում է սայլերը և վերադառնում: Թուրքերը բազմաթիվ դիմումներից հետո վերադարձնում են միայն 22 սայլ՝ առանց սայլապանների: Ալեքսանդրապոլի Շրջանային հեղկումի նախագահ U. Մանուցյանը 1921թ. մայիսի 13-ին դիմում է ՀԽՍՀ Արտաքին գործերի կոմիսարին՝ խնդրելով միջանալ թուրքերի կողմից տարկած սայլերը և սայլապաններին վերադարձնելու համար:²⁶ Նոյն խնդրանքով U. Մանուցյանը դիմում է նաև Երևանում թուրքերի ներկայացուցչին:²⁷ Սակայն խոստումներից բացի ոչինչ չի ստանում, նոյնիսկ՝ բողոքագրի պատասխանը:

Այսպիսով, թուրքերը, օգտագործելով ամենավերջին հնարավորություններն անգամ, բարանում և կոտրում են Ալեքսանդրապոլի գավառի բնակչությանը: Ծանր գրկանքների և զիհողությունների գնով միայն գավառի բնակչության ողջ մնացած նաև ճեղնամոլս է լինում ավերվածի վերաշնորհյանը:

ПРОЯВЛЕНИЯ АНТИАРМЯНСКОЙ ПОЛИТИКИ ТУРЦИИ В АЛЕКСАНДРОПОЛЬСКОМ УЕЗДЕ В АПРЕЛЕ-ОКТЯБРЕ 1921г.

Резюме

K. Александян

В статье представлен анализ фактов и событий, касающихся проявлений антиармянской политики Турции после 22 апреля 1921 года, когда турецкие войска были уже выведены из Александропольского уезда.

Архивные документы позволяют утверждать, что многочисленные факты нападений на приграничные посты, похищения людей, грабежи, а также жестокое обращение с пленными и препятствие их возвращению на Родину являются свидетельствами преднамеренной антиармянской политики.

Все это существенно влияло на процесс социально-экономического развития Александропольского уезда.

²⁵ ՀԱԱ, ֆ. 131, գ. 1 գ. 102, թ. 5:

²⁶ ՀԱԱ, ֆ. 144, գ. 3^թ, գ. 138, թ. 19:

²⁷ Նոյն տեղում, գ. 3, գ. 42, թ. 146:

